

Eleccións Municipais 2023

CONCELLOS POLA SUSTENTABILIDADE

Con vistas ás eleccións municipais do vindeiro 28 de maio, dende ADEGA queremos salientar a importancia das políticas municipais para acadarmos un modelo ecoloxicamente sustentábel no noso país e propoñer algunhas medidas concretas para acadarmos ese reto. A amplitude da crise ambiental amplificada pola mudanza climática precisa de accións urxentes, tamén por parte dos entes locais, concellos e deputacións.

50 PROPOSTAS PARA UNS CONCELLOS SUSTENTÁBEIS

Mudanza climática, enerxía e transporte

1. Integrar a loita contra a mudanza climática en todos os eidos da actividade municipal.
2. Redución do consumo enerxético co obxectivo do 50% através do aforro, a eficiencia, a suficiencia e as enerxías renovábeis, establecendo obxectivos concretos, temporalizados e verificábeis.
3. Poñer en marcha sistemas de autoconsumo con fontes renovábeis nas instalacións municipais e incentivar este no ámbito doméstico através das comunidades enerxéticas.
4. Plano de optimización da iluminación exterior con criterios ecolóxicos e culturais para evitar a contaminación lumínica.
5. Elaborar Planos de Mobilidade Sustentábel mancomunados ou integrados no desenvolvemento das áreas metropolitanas e comarcais, promovendo o transporte público a intermodalidade e os deslacements non motorizados.
6. Estensión das zonas 30 a todo o casco urbano, con iniciativas de peonización masiva, alongando a rede de carrís bici e sendas peonís.
7. Favorecer o uso do vehículo eléctrico e a substitución dos de combustión discriminando o acceso ás cidades e estendendo os puntos de recarga de automóviles eléctricos.

Espazos naturais

8. Inventario local e comarcal de ENP, da biodiversidade e da xeodiversidade, enfocado á preservación dos servizos ecosistémicos que prestan os hábitats naturais.
9. Promoción dos ENIL (Espazos Naturais de Interese Local) e das microrreservas, garantindo a aprobación e aplicación dos planos de xestión dos espazos naturais no eido local.
10. Recuperar superficies para o monte público ou comunal, coa vocación de que sexan áreas de interese natural ou solo rústico non edificábel..
11. Poñer en marcha proxectos de restauración ambiental os concellos: traballar na recuperación de bosques, sebes, dunas, pequenas zonas húmidas, etc.

12. Plan municipal de inventariado e erradicación das especies invasoras (análise lugares de entrada, zonas de eliminación, protocolos...)
13. Fomentar proxectos de custodia do territorio como ferramenta de conservación do patrimonio natural e cultural, contemplando beneficios fiscais ás persoas e entidades que asinen acordos de custodia.
14. Catalogar e protexer o patrimonio xeolóxico e paisaxístico impulsando e apoiando a creación de Lugares de Interese Xeolóxico (LIXs) e Xeoparques.
15. Promover a declaración de “Concello Libre de Eucaliptos” através de ordenanzas que efectivicen na práctica esa declaración, desenvolvendo programas de erradicación e control.
16. Prohibición das touradas e espectáculos que degraden aos animais.
17. Contar con instalacións dignas para a acollida de animais domésticos abandonados suficientemente dotadas.
18. Artellar fórmulas de convivencia cos animais silvestres xestionando os conflitos.

Auga

19. Promover de xeito efectivo e prioritario o aforro de auga incorporando os custos ambientais á fiscalidade, para establecer unha progresividade e penalizar o desbaldimento.
20. Reutilizar as augas pluviais e depuradas (rega, limpeza viaria, loita contra incendios...) evitando o consumo de auga potabilizada.
21. Garantir a depuración integral das augas residuais promovendo sistemas descentralizados e con sistemas mixtos e a depuración natural.
22. Tratamento separado das augas residuais urbanas das industriais para evitar disfuncións nas depuradoras públicas e trasladar os custos á cidadanía.
23. Remunicipalización do ciclo integral da auga urbana, que inclúa todos os tratamentos de potabilización, traslado desde o lugar de captación até o seu subministro e a súa depuración e reutilización.

Urbanismo

24. Aadar os novos desenvolvementos urbanísticos ás necesidades reais de vivenda para primeira residencia e equipamentos públicos, evitando a ocupación de terras de interese agrario, ecolóxico patrimonial ou paisaxístico.
25. Antepoñer a rehabilitación e o uso das vivendas baleiras á construción de novas.
26. Garantir a participación social real no deseño e xestión urbanística, através de ferramentas como os Consellos de Participación Veciñal.
27. Integrar a eco-eficiencia e o respecto pola paisaxe nas formas construtivas, usando materiais locais materiais de construción locais e deseños respectuosos co medio para rematar co feísmo.
28. Protección efectiva dos solos non urbanizados situados a 500 metros do mar ou a 100 metros dos ríos, renunciando a reducir a servidume do dominio público de 100 a 20m como permite a

actual Lei de Costas.

Residuos

29. Incentivar a prevención, redución, reutilización e a reciclaxe de residuos, asumindo a estratexia do “Residuo Cero”.
30. Apostar pola compostaxe para a xestión da materia orgánica, implantando a separación en orixe e a compostaxe doméstica, comunitaria, municipal e mancomunada.
31. Establecer sistemas recollida selectiva “porta a porta”.
32. Apostar pola xestión pública directa e pola remunicipalización dos servizos de recollida de lixo, limpeza viaria, parques e xardíns.
33. Mercar os subministros dos organismos e edificios municipais a produtores/as locais, ciclos curtos e certificación ecolóxica.
34. Limitar a implantación de grandes superficies comerciais e potenciar o comercio local e os centros comerciais de rúa.
35. Reducir a cantidade de residuos nos eventos organizados polo concello e veciñanza abandonando as vaixelas de plástico.
36. Creación de empresas sociais de recuperación (preparación para reutilización) de roupa, electrodomésticos, aparellos electrónicos....
37. Campañas de concienciación e educación sobre a problemática dos refugallos para crianzas e persoas adultas, incluíndo a educación ambiental “porta a porta”.

Rural

38. Rexeitar actividades agresivas como a megaminaría ou os macroeólicos que deterioren a calidade de vida das persoas ou alteren o equilibrio ecolóxico.
39. Impulsar as redes curtas de comercialización e incentivar o consumo de alimentos de orixe local e galega.
40. Recuperar espazos de cultivo en concellos semiurbanos con terreos abandonados, dando a oportunidade de cultivar os seus alimentos a todas as persoas dispostas a facelo.
41. Declarar o concello “Libre de Transxénicos” para evitar o cultivo e o consumo de organismos e produtos xeneticamente modificados no seu territorio.
42. Abandonar uso de agrquímicos como o glifosato para a xestión da vexetación non procedente así como dos pesticidas neonicotinoides.

Participación cidadá

43. Promover a participación das organizacións sociais na vida institucional e potenciar o seu papel como vehículos de participación e sensibilización.

44. Poñer en marcha de xeito efectivo os consellos municipais de medio ambiente e garantir a publicidade dos plenos, actas e toda información institucional.
45. Aplicar os Orzamentos Participativos a todos os eidos e en todas as partidas dos orzamentos municipais.
46. Elaborar unha Estratexia Municipal de Educación Ambiental e un Plano de Educación Ambiental Municipal para a súa aplicación.
47. Facilitar espazos físicos para a vida colectiva e a participación pública das entidades sociais e veciñanza.
48. Criazón de oficinas locais de voluntariado ambiental.

Fiscalidade verde

49. Reforma dos tributos e taxas existentes (lixo, vehículos, auga, depuración, obras...) para promover a eficiencia e gravar o desbaldimento e as emisións contaminantes.
50. Reinvestimento do canon eólico e hidroeléctrico en proxectos de mellora ambiental e fomento da sustentabilidade.

ADEGA

Galiza, maio de 2023